



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Franciscum Barberinum S. R. E. Cardinalem, Episcopum Ostiensem,
Cùm in insula Creta esset à nostris improsperè pugnatum.

urn:nbn:de:hbz:466:1-11215

Jam turpem, trans Baetra, fugam parat hostis, & omnis
Ad nomen trepidat barbara terra tuum.
Te multum ut timeat, non tam tamen illa timebit,
Altera pars orbis quam melioris amat.

A D

CLEMENTEM IX. P. M.

In funere Thoma Rospigliosii.

R Oma gemit, vellensque comam velut orba parente,
Cum Thoma queritur spes obiisse suas.
Nos animam egregiam lacrimis, ac thure piamus:
Dum mors Exquilias polluit atra nives.
Tu nihil haec, veluti tua sint, non publica, sentis
Damna: nec ad tristes ingemis inferias.
Lumina (credo euidem) stillarent victa: sed illa
Exhaustis lacrimis Creta redempta tuis.

A D

FRANCISCUM BARBERINUM

S. R. E. CARDINALEM,
EPISCOPUM OSTIENSEM,

*Cum in insula Creta esset à nostris
improsperè pugnatum.*

E Heu furor! cedere barbaro
Coacta virtus! Occidit, occidit

K 5

In-

Jan

Invicta pubes : Galliæque
Flos canibus data præda Turcis.
Jam Creta ferro diruta & ignibus
Procumbit. Illam tendere supplices
Jam penè palmas huc volentem
Odrysia prohibent catenæ.
Quo lœta tollit cornua nuntio
Carthago , avitis effera cladibus,
Torvoque jampridem tuetur
Italiam , Tiberimque vultu.
Videre nostris jam videor trucis,
Victum per æquor , vela Propontidis
Lunata , & Afrorum cruentas
Litoribus volitare puppes.
Non jam latronum more ; sed (heu pudor !)
Latè paventis nunc dominas maris ,
Diram ferentes imparatæ
Urbibus Ausoniæ ruinam.
Frustra Garumnâ misit ab ultimo
Classem & cohortes non timidas mori ,
Mori ipse promptus pro salute ,
Pro Latiis Ludovicus aris.
Nil Italorum fortia pectora ,
Nil præpotens Germania , classico
Excita Clementis per omnem
Hesperiam rapientis arma
Juvere : ab ipso nil lacrimæ , nihil
Clemente fusæ suppliciter preces ,
Quibus Tonantis sæpe telum
Excudit è manibus trisulcum.
Non miles armis degener , aut Ducum
Culpandus error. Ipse juvat Scythes,

Et tradit invisam Gelonæ,
 Progeniem Deus ultior hastæ.
 Hic barbarorum spicula dirigens,
 Dat nostra ventis irrita : hic æthera
 Infestat, Ægæasque nostrum
 Armat in exitium procellas.
 Illum exuentis frena licentia,
 Luxusque pravi crimina , & ædium
 Movere sacrarum querelæ.
 Ipsa quidem simulacra , & ævo
 Collapsa Divum templa refecimus ,
 Afro tegentes marmore : sed tamen
 Ut nomen , exclusis , profanum
 Fronte ferant , titulumque , Divis.
 Non thura desunt mascula , non apes
 Præbere cessant lumen Hymettia :
 Gemmâque collucent , & auro
 Pallia cum pateris , Eōo.
 Sed non probandis moribus inquinat
 Aras Juventus : nec timet hostiam
 Intonsus attrectare Diam
 Sacrilegis manibus Sacerdos.
 Et quas piorum prisca fides Patrum
 Assueta duram pauperiem pati ,
 Famem inter & cædes paravit
 Divitias , maleficiada sœpe
 Libido perdit. Te pia jugiter
 Juvante bella , tectaque pauperum ,
 Francisce : semotamque Goam ,
 Quas & inops rigat Ister oras.
 Cui nostra Patres si similes duos
 Ætas tulisset , Romulea in toga ;

Versis

Verbis videremus superbam

Flere Asiam Libyamque fatis.

Tu fata curas publica : tu viros

Ictu immerentes quos premit aspero

Fortuna , plebciusque Iivor ,

Erigis , exulibusque dextram

Musis fidelem porrigit , & lare

Foves benigno : tu Latio decus

Priscum reducis : tu sepulcro

Docta rapis monumenta Graiūm ,

Adeptus artes , queis stetit Italæ

Hucusque gentis gloria , quas novâ

Urbanus auxit luce Princeps

Pieridum , columenque rerum :

Dircæa cuius barbitos admonet

Silere nostram : barbitos inclyta

Quæ sacra personabat alto

Par animo , Imperioque major .

O R A